



***PLAN RADA ZAJEDNIČKE KOMISIJE ZA EVROPSKE INTEGRACIJE
JULI-DECEMBAR 2011. GODINE***

UVOD

Djelokrug i ciljevi rada Zajedničke komisije za evropske integracije (u daljnjem tekstu: ***Komisija***) određeni su članom 57. Poslovnika Doma naroda i članom 51. Poslovnika Predstavničkog doma Parlamentarne skupštine Bosne i Hercegovine.

Zadaci Zajedničke komisije su da:

- raspravlja o općim pitanjima koja se odnose na evropske integracije;
- prati izvršavanje prava i obaveza BiH proizašlih iz međunarodnih ugovora koji se odnose na Vijeće Evrope;
- koordinira rad matičnih tijela u vezi s evropskim integracijama i dostavlja im mišljenja, preporuke i upozorenja;
- analizira posljedice integracijske strategije po BiH i priprema sveobuhvatne izvještaje;
- nadgleda i prati provođenje obaveza iz Sporazuma o stabilizaciji i pridruživanju, pretprijetne i pristupne strategije BiH;
- nadgleda provođenje usklađivanja zakona BiH s *acquis communautaire*;
- saradnja sa institucijama EU, BiH (posebno s Direkcijom za evropske integracije BiH) i drugih zemalja u vezi s pitanjima integracija i obavlja druge poslove vezane za evropska pitanja koja ne spadaju u djelokrug ostalih radnih tijela;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima;

Imajući u vidu utvrđeni djelokrug i ciljeve rada, Plan rada Komisije za 2011. godinu značajno je određen i sljedećim:

- Evropskim partnerstvom s Bosnom i Hercegovinom koje je prezentirano početkom 2004. godine. Vijeće ministara Evropske unije usvojilo je drugo partnerstvo s Bosnom i Hercegovinom 30. januara 2006. Ažurirano je prvi put krajem 2007. i ponovo u februaru 2008.;

- Izvještajem o napretku Bosne i Hercegovine u 2010. godini koji pokriva period od sredine septembra 2009. do kraja septembra 2010. godine;

- Sporazumom o stabilizaciji i pridruživanju koji je potpisan 16. jula 2008., a krajem januara i ratificiran u svim zemljama članicama EU;

- Odlukom Upravnog odbora Vijeća za provođenje mira donesenom na sastanku 27. februara 2008. godine da vlasti BiH moraju ostvariti pet ciljeva i ispuniti dva uslova prije tranzicije OHR-a u Ured specijalnog predstavnika EU. (Obuhvataju pet ciljeva: 1. Prihvatljivo i održivo rješenje pitanja raspodjele imovine između države i drugih nivoa vlasti 2. Prihvatljivo i održivo rješenje pitanja vojne imovine 3. Konačno utvrđivanje statusa Brčko Distrikta BiH, 4. Fiskalna održivost i 5. Uspostava vladavine prava (što se ogleda kroz usvajanje državne strategije za procesuiranje predmeta ratnih zločina, zakona o strancima i azilu i strategije za reformu sektora pravde), kao i dva posebna uslova: 1. potpisivanje Sporazuma o stabilizaciji i pridruživanju 2. stabilna politička situacija.)

PLAN RADA

JULI

1. Konstitutivna sjednica Komisije;
2. Organiziranje sastanka članova Komisije s Renzom Daviddijem, v.d. šefa Delegacije EU;

AUGUST

1. Priprema i usvajanje Plana rada Komisije za 2011. godinu;
2. Razmatranje Izvještaja Vijeća ministara Bosne i Hercegovine za 2010. godinu;
3. Organizacija sastanka s direktorom Direkcije za evropske integracije BiH o temi trenutne situacije u provođenju Sporazuma o stabilizaciji i pridruživanju i Programa integriranja BiH;

SEPTEMBAR

1. Uspostavljanje saradnje i organizacija sastanaka sa srodnim komisijama entitetskih parlamenata s mogućnošću uspostavljanja mehanizma u zakonodavnom procesu za koordinaciju između državnog i entitetskih parlamenata;
2. Orijentacioni seminar za članove Komisije;
3. Organiziranje sastanka s Peterom Sorensenom, šefom Delegacije Evropske unije u Bosni i Hercegovini;
4. Organiziranje sastanka s predsjedavajućim Vijeća ministara BiH i definiranje modaliteta saradnje u procesu ispunjavanja obaveza iz Evropskog partnerstva;

OKTOBAR

1. Razmatranje Izvještaja o napretku Bosne i Hercegovine za 2011. godinu;
2. Organiziranje sastanka sa Osmanom Topčagićem, ambasadorom BiH u Misiji BiH pri EU;
3. Organiziranje sastanaka s čelnicima institucija koje su pokazale najlošije rezultate u procesu integriranja;

NOVEMBAR

1. Priprema 14. interparlamentarnog sastanka EP - PSBiH, koji će biti održan 19. i 20. decembra 2011. godine;
2. Razmatranje i analiza rada Komisije s ciljem unapređenja rada;
3. Organizacija javne debate ili javnog saslušanja o aktualnoj temi integriranja u EU;
4. Analiza javnih kampanja o integriranju BiH u EU;

DECEMBAR

1. Organizacija i učešće na 14. interparlamentarnom sastanku EP-PSBiH;
2. Analiza aktivnosti institucija BiH na ispunjavanju prioriteta iz Evropskog partnerstva u toku 2011. godine;

3. Razmatranje organizacije i planiranje rada Komisije u 2012. godini s ciljem osiguranja resursa i unapređenja rada;
4. Priprema i izrada izvještaja o radu Komisije u 2011. godini;

ZAVRŠNE NAPOMENE

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih institucija. Očekivati je i aktivnosti koje nisu predviđene a mogu biti uvrštene u Plan rada Komisije zbog njihovog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanje EU.

S ciljem blagovremenog ispunjavanja planiranih aktivnosti, Komisija će, pored ostalog:

- osigurati kontinuitet redovnog održavanja sjednica,
- osnivati potkomisije ili radne grupa kada to bude svrsishodno,
- pojedinačno angažirati članove Komisije,
- saradivati s drugim nadležnim tijelima i institucijama BiH i međunarodne zajednice,
- saradivati sa srodnim komisijama parlamenata u regionu i učestvovati na COSAP-u koji bi trebalo da bude organiziran do kraja godine u Albaniji.

***Predsjedavajući
Zajedničke komisije
Halid Genjac***

